

Fat bun da la radunanza dals 9 lügl 2009

Protocol da la radunanza cumünala dals 17 gün 2009, acta 02

Preschaintas: 29 personas.

Il capo constata cha la radunanza saja gnüda convocada in basa a nossa constituziun cumünala e dumonda sch'inchün haja da far objecziuns.

Sainza chi vegnan fattas objecziuns, vegnan nominats seguaints scrutinadurs:
Elisabeth Poo e Duri Denoth

Tractandas:

1. Protocol da la radunanza cumünala dals 26 favrer 2009, acta 01

L'actuar prelegia il protocol da l'ultima radunanza cumünala. Il protocol vain approvà.

2. Reglamaint da sauaziun

Il president da la miglioraziun, Men Luppi, repassa insembel culla radunanza cumünala il reglamaint artichel per artichel. Plüssas dumondas our dal savuogl da la radunanza vegnan respusas. Il reglamaint da sauar regla l'organisaziun e la gestiun dals implants da sauaziun publics e privats sül territori da Sent.

La radunanza cumünala decida da far bun quist nouv reglamaint chi aintra a partir da subit in vigur.

3. Adattamaints lingia da sauaziun illa centrala Pradella - Credit brüt da fr. 220'000.-- (net fr. 38'000.--)

Men Luppi orientescha in detagl sur da quista lavur previssa vi da la lingia da sauaziun illa centrala da Pradella. La lingia, fatta avant 43 ons, nun es mai gnüda douvrada ed es cun quai oxidada. Sainza chi vegna fat adöver da la discussiun, decida la radunanza cumünala in scrutin serrà, cun 28 cunter 0 vuschs (1 vöda) da far bun ün credit brüt da fr. 220'000.--, resp. net. 38'000.-- per far las adattaziuns bsögnadas.

4. Cumprita tapet da skis - Credit da fr. 73'300.--

Il schef dal departamaint turistic, Georg Salomon, orientescha cha la sporta cul nouv runal da skis (tapet magic), chi d'eira gnü tut a fit per üna stagiun, s'haja verificada plainamaing. Il Cussagl cumünal es da l'avis da spordscher eir in avegnir ün indriz per ir culs skis per uffants. Davo avair dudi amo 2 votums, decida la radunanza cumünala in scrutin serrà, cun 27 cunter 2 vuschs da far bun il credit da fr. 73'300.-- per comprar il tapet da skis, chi d'eira gnü tut a fit per ün inviern da la firma Borer AG.

5. Sanaziun trafo Schigliana e lingia da colliaziun cul trafo da Bös-ch Grond Credit da fr. 160'000.--

Il schef electric, Chasper Alexander Felix, orientescha sur da quista lavur previssa illa infrastruttura electrica.

Sainza chi vegna fat adöver da la discussiun, decida la radunanza cumünala in scrutin serrà, cun 28 cunter 0 vuschs da far bun il credit da fr. 160'000.-- per las lavurs manzunadas aint il titul.

Reglamaint da sauaziun

Adattamaints lingia da sauaziun illa centrala da Pradella, credit da fr. 220'000.--, net fr. 38'000.--

Credit fr. 73'300.--, cumprita tapet da skis

Sanaziun trafo Schigliana e lingia da colliaziun cul trafo da Bös-ch Grond, credit fr. 160'000.--

6. Spostamaint dal trafo a Vnà – Credit fr. 63'000.--

Il schef electric, Chasper Alexander Felix, orientescha sur da quista lavur previssa.

Il cumün da Ramosch ha decis da far las lavurs necessarias (spostamaint) vi dal trafo a Vnà. Cun quai cha quel transfuormatur distribuischa tanter oter eir la forza per Zuort e Sinestra va üna part da l'investiziun a charg dal cumün da Sent.

Sainza chi vegna fat adöver da la discussiun, decida la radunanza cumünala in scrutin serrà, cun 29 cunter 0 vuschs da far bun il credit da fr. 63'000.-- per spostar il trafo a Vnà.

Spostamaint dal
trafo a Vnà,
credit fr. 63'000.--

7. Varia

1. Orientaziuns dal Cussagl cumünal

Collavuraziun culla pulizia chantunala

Il capo orientescha chi's saja landervia a formular ün contrat da prestaziun chi regla da surdar las incumbenzas da la pulizia cumünala a la pulizia chantunala. Ils cumüns da Scuol, Ardez, Ftan e Tarasp fan eir quist pass. Il contrat da prestaziun gnarà preschantà, tenor la constitziun cumünala, a la radunanza cumünala.

Varia

Votumaziuns a l'urna

Il capo orientescha chi's vuol introdüer, sco chi han eir Scuol e Ftan il dret e la pussibilità da vuschar a l'urna. Las participaziuns a las radunanzas sun per gronda part stattas adüna pitschnas. Cul nouv organ d'üna cumünanza d'urna as vessa la pussibilità d'obtgnair eir opiniuns da persunas chi nu van a radunanzas o da quellas chi lavuran d'utrò. Tschertas robas sco'l preventiv e'l rendaquint cumünal vegnan sco fin uossa preschantadas in üna radunanza cumünala. Cur cha'l Chantun ha preexaminà la varianta gnaran ils müdamaints da la constituziun cumünala preschantà ad üna radunanza cumünala.

Cità d'energia

Il capo orientescha cha'l Cussagl cumünal haja l'intenziun d'aquistar il label "Cità d'energia". I's es da l'idea chi's stopcha ir intuorn fich conscienzius cull' energia chi davainta vi e plü preziosa. Per survgnir il label as stoja accumplir bliers puncts. Ün' istanza es uossa landervia a valütar il stadi actual sco eir ad analisar che puncts chi's ha amo da realisar. Il cumün spetta il refert chi darà las indicaziuns co chi d'es da proseguir.

2. Reclamaziun

Üna votanta manaja cha'l cumün stuess in tscherts cas dar sün dumondas o chartas plü svelt resposta. L'actuar declera il motiv pel retardamaint da la resposta in quel cas concret manzunà. Il capo piglia l'intimizziun incunter.

3. Departamaint da vias

La via da Sur En es in ün nosch stadi. Tenor ün votant füssa da far uossa las lavurs toccantas; eir in oters lös es quai il cas. La stagiun sta davant porta. Il schef da vias orientescha chi s'haja, per la part da la via Sur En, fingià tut aint offerta.

Men Luppi, president da la miglioraziun, orientescha cha la via da Sur En d'eira gnüda fatta tras la miglioraziun. Tenor el füssa da provar d'integrar quista sanaziun da la via aint illa miglioraziun. Il schef da vias guarda da sclerir la chosa.

4. Tempo 30 – Vias champestras

Ün votant manzuna chi's haja introdüt il tempo 30 in cumün. Tenor el füssa da pretender quai, cun render attent süllas vignettas, eir süllas vias champestras.